

Kutembea katika Njia Yake

Njia ya Bwana ni kimbilio lake mtu mkamilifu; Bali ni uharibifu kwao watendao maovu—**Mithali 10:29.**

Ikiwa tangu mwanzo tungekuwa tumetembea katika shauri la Mungu, maelfu zaidi wangukuwa wameongolewa kuupokea ukweli wa leo. Lakini wengi wamejitengenezea njia za uovu miguuni pao. Ndugu zangu, ifuateni njia nyoofo, walio dhaifu wasije wakageuzwa mbali na njia. Hebu asiwepo mtu ye yote afuataye njia isiyonyoofo iliyowekwa na mtu mwingine, maana kwa kufanya hivyo hutapotea tu mwenyewe, bali utazifanya njia hizi mbovu kuwa wazi kwa mtu mwingine kuzifuata. Dhamiria kwamba wewe mwenyewe, utatembea katika njia ya utii. Jua kweli kwamba unasimama chini ya ngao pana ya Mwenyezi Mungu. Tambua kwamba sifa za Yehova lazima zidhihirishwe maishani mwako na kwamba ndani yako lazima ikamilishwe kazi ambayo itafinyanga tabia yako ifanane na ya Mungu. Jisalimishe chini ya uongozi wa Yeye ambaye ni Mkuu juu vitu vyote.

Tunafanya kazi yetu kwa ajili ya hukumu. Hebu tujifunze kwa Yesu. Tunahitaji uongozi Wake kila wakati. Katika kila hatua tungeuliza, “Je! Hii ndiyo njia ya Bwana?” sio, “Je! Hii ni njia ya mtu aliye juu yangu?” Tunapaswa kujali tu ikiwa tunatembea katika njia ya Bwana.

Mungu atamheshimu na kumtegemeza kila mtu mwenye moyo wa kweli, mwenye bidii ambaye anatafuta kutembea mbele Zake katika ukamilifu wa neema ya Yesu. Hatamwacha wala kumtelekeza mtu mmoja mnyenyekevu na mwenye mashaka. Je! Tuamini kwamba atafanya kazi mioyoni mwetu? Kwamba tukimruhusu Afanye hivyo, Atatufanya tuwe safi na watakatifu, kwa neema Yake tele akitustahilisha kuwa watenda kazi pamoja Naye? Je! Tunaweza kwa ufahamu wa kina, uliotakaswa kuthamini nguvu za ahadi Zake, na kuzipokea, sio kwa sababu tunastahili, bali kwa sababu kwa imani iliyo hai tunadai haki ya Kristo?

Hakuna kitu kilicho kikuu na chenye nguvu kubwa kama ulivyo upendo wa Mungu kwa wale ambao ni watoto Wake.